



Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 44. Hildesheimensium Lutheranorum tumultus contra Catholicos.

[urn:nbn:de:hbz:466:1-67667](https://nbn-resolving.de/urn:nbn:de:hbz:466:1-67667)

Sæc. XVIII. aut officiorum distributionem præpe-
 A.C. 1727. dire ullo pacto possit. X. Comes præ-
 ter prædictam fidei præstationem ab
 Abbatे ejusque subditis homagium,
 aut a Vadegotianis, Busheimensibus,
 & Enzheimensibus (excepta communi
 gravique necessitate, & tunc non ali-
 ter, quam consentiente Abbatе, &
 juxta æquam proportionem & reparti-
 tionem) opera servilia exigere nequeat.
 XI. Cuncta vero, quæ hic stabilitis
 adversantur, & præcipue homagium
 a subditis vi extortum, necnon du-
 rante hac lite & Anno 1715. per car-
 ceris pœnas extortæ promissiones seu
 reversales omnino irritæ ac nullæ sint,
 & mulctæ via executionis obtentæ resti-
 tuantur. XII. Si vero alterutra liti-
 gantium pars his pactis non steterit,
 decem auri marcarum pœnæ subjaceat.

Enimvero Comes se hac sententia
 graviter læsum denuo querebatur; in
 nullo tamen adversus hoc Monasterium
 prævaluit, eoquod æquitas caußæ &
 sententiæ justitia Abbatii nimis aperte
 patrocinaretur.

§. XLIV.

*Hildesheimenſum Lutheranorum tu-
 multus contra Catholicos.*

Hoc

Hoc item anno Hildesheimenses Lu- Sæc. XVIII.
therani occasione studiose quæsita A. J. 1727.
Catholicos iterato vexabant; Res ita
accidit: Jam Anno 992. intra Urbis
mænia S. Goderadus Hildesiensis An-
tistes Monasterium Benedictinorum
condiderat, in quo Monastica disciplina
non sine maxima proximi utilitate per
plurima sæcula floruit, ac Monachi
suis juribus bonisque ab omni molestia
vacui potiti sunt. Postquam vero Lu-
theri venenum has quoque Provincias
infecerat, Religionum diversitas ani-
morum quoque dissensionem & fune-
stam bonorum divisionem invexit, ac
sinceræ concordiæ nexum intercidit;
Dividebatur præ ceteris Hildesheimii
spatiosum quoddam ante Ecclesiæ Ab-
batialis fores atrium, ita, ut una pars
Abbatis esset, alteram vero Urbs ac
Lutherani Cives sibi vendicarent: Pro
more veteri, & antiqua juris possessione
Monachi per hoc atrium solemnem in
octava Corporis Christi die supplica-
tionem circumducebant; hoc autem
anno die decima quinta Julii pla-
teæ, per quas processio incederet,
floribus pro more sternebantur, & ha-
bita mane ad populum concione Ec-
clesiastes reverentiam, quæ Christo in Eu-
charistia deberetur, necnon injuriarum,
quæ tam ab Acatholicis quam tepidis

*Annal. Be-
ned. Mabill.
t. 4. pag. 71.*

P p 4 Ca-

Sæc. XVIII. Catholicis inferretur, gravibus verbis
A. C. 1727. exposuit. His æquam tumultuandi au-

sam sibi præberi existimabant Lutherani, seque contumeliose habitos esse, perperam cauſabantur: cum ergo Abbas Sacratissimam Hostiam eadem die deferret, eamque summa pietate frequen-tissimum supplicantium agmen comitaretur, ex Lutheranis non pauci cooperto capite adstabant, ac rusticos precato-riis suis coronis instructos, alternatim que orationem Dominicam, & Ange-licam devote recitantes petulanter non modo ſibilis, sed & convitiis explode-bant: Monebantur a Catholicis, ut vel inde recederent, aut detecto capite, & reverentia, qua par effet, fal-tum exterius exhibita affiſterent. Sed furdis cane-bant; quippe a proterva iriſione ſibi adeo non temperarunt, ut etiam agglomerati viam, per quam supplicantes incederent, obſiderent, & prætereuntes ſiſterent, ac nequidem rogati aut cedere, aut capita detegere vellent: unde factum, ut ex rusticis quidam gressum promovens, caſu cu-jusdam obſistentis Lutherani pedem ſui pedis planta calcaret, & calcei fibu-lam confringeret, concitato autem strepitu aliis erecto baculo silentium præcipere-ret. Tum vero velut dato claf-fico Lutherani in inermes, & nonniſi-

glo-

globulis precatoriis munitos deba-
chari, minas jactare, & tumultuario
impetu innoxios insequi; ægre rusti-
corum potissimi ad quemdam hortum
monasterio contiguum aufugere, por-
tamque a tergo claudere poterant. Nec
ibi a violentia immunes erant, sed la-
pidibus impetiti, eorumque non pauci
graviter vulnerati, vim vi repellere co-
gebantur. Comperta hac violentia
Hildesiensis Episcopi Marescallus Ma-
gistratum Urbis rogabat, ut tumul-
tuantes immisso milite dispergeret,
atque in rixæ Auctores inquireret:
Capiuntur etiam nonnulli Cives Luthe-
rani, qui publicum Religionis exerci-
tium studiose concitato ejusmodi tu-
multu perturbasse accusabantur: Ast
hac inquisitione admodum segniter in-
stituta, Magistratus tam luculenter of-
ficio suo defuit, ut Episcopalis Sena-
tus petere cogeretur, quatenus Luthe-
rani quempiam ex suis deputarent,
quo præsente & juncta cum Episcopali
Deputato opera juxta juris præscriptum
inquisitio fieret, Magistratus vero suis
Civibus, aliisque jure Civitatis donatis
præcipieret, ut citati comparerent. Hoc
pacto totam hostilitatis culpam & cau-
sam in Lutheranos devolvi, probe pro-
spiciebat Magistratus, quocirca hanc
inquisitionis normam constanter recu-

P p 5 fabat,

Sæc. XVIII. sabat, caussatus, a Sigismundo Cæ-
 A. C. 1727. fare Urbi privilegium esse concessum,
 vi cuius Cives ad forensia judicia evo-
 care non liceret, sed eos in prima, ut
 vocant instantia esse judicandos.
 Dato hoc responso Magistratus omnes
 rixæ Auctores, quos captivos deti-
 nuerat, libertati restituit, *imposita cau-*
tione jurata de judicio sisti, & judicatum
solfi. Cum ergo Abbas & Catholici
 injurias sibi irrogatas Magistratus au-
 toritate reparari desperarent, ad Cæ-
 sareo-Aulicum Senatum confugere,
 & die quarta Decembris contra Lu-
 theranos ceu Religiose ac patriæ pa-
 cis, neqnon exercitii publici Religionis
 Catholicæ perturbatores ac demum
 contra Magistratum in puncto fractæ
 pacis publicæ & Religiose questi ex-
 posuerunt, in publica processione at-
 que in loco Monasterii Immunitate Ec-
 clesiastica donato vix auditam violen-
 tiā ab Hildesheimensibus fuisse ad-
 hibitam, Catholicos ergo humillime
 supplicare, ut ea, quæ Imperii legi-
 bus consona essent, decernerentur.
 Horum impunitas interim Lutheranos
 Cives ad acerbiora impulit molimina;
 Novi tumultus origo erat hæc: Jam
 ab antiquis temporibus Monasterium
 Benedictinorum S. Michaelis a Senatu
 Hildesiensi in campo, qui vulgo voca-
 batur

batur Krayenberg, extra Urbem jus pa- Sæc. XVIII.
scendi emptione sibi comparaverat; hoc A. C. 1727.
tamen jure aliquamdiu non utebatur;
ne vero illud sponte abdicasse credere-
tur, hoc anno die decima tertia Au-
gusti bubulcus vaccas eo in loco pa-
stum ducebat. Eadem adhuc die Ma-
gistratus quosdam emisit, qui duas
vaccas pignorarentur, quo comperto
Abbas contra illos, qui pascuis præ-
erant, de illato damno ac injuria apud
Episcopalem Curiam Steyerwaldensem
querebatur: His ergo a Prætore in-
junctum, ut Monasterio vel ambas
vaccas restituerent, vel rationem red-
dituri in Curia die duodecima Septem-
bris comparerent: neutrum Magistra-
tai placuit, quapropter Prætor repig-
norationis jure uti coactus, die deci-
ma septima Augusti tres oves & hir-
cum a civitatis pascuis abigi jussit.
Nec tamen propterea Magistratus ab-
latas vaccas Monasterio restituit; a-
criori igitur remedio opus erat, unde
Prætoris jussu Apparitor novem aliis
Viris stipatus die vigesima tertia Au-
gusti quatuor vaccas a pascuis, Steyer-
waldum ad Curiam abduxit. Nec ta-
men hac via Magistratus ad saniora
reduci poterat, sed potius eo saltem
connivente Lutherani cives turmatim
confluxere, & Monasterium inter hor-
rendas

Sæc. XVIII. rendas contra fidem Catholicam blasphemias, & convitia in Monachos & Catholicos effusa castrorum more circumfederunt, procaciter postulantes, ut Abbas illis emptionis factæ syngrapham exhiberet: Nimis petulans erat hæc petitio, ut privatæ eorum importunitati cederetur, nihilominus Abbas, ut ipsorum impudentiam Christiana moderatione vinceret, quatuor illas vaccas eis restitui jussit, quo facto Cives, qui Monasterium obsederant, inde recessere: Paulopost tamen rursum magno numero undique & per novemdecim omnino dies Monasterio assidebant, atque in contemptum Religionis Catholicæ innumera pene convitia & probra continuo effundebant, tam arce Monasterium cingentes, ut aditu atquæ egressu omnibus denegato Monachi ceterique Abbatiae famuli ferme inedia perirent, atque Lutheranos offices, qui intra Monasterii septa Religiosorum ære sustentabantur, dimittere cogerentur: Nec hic stetit eorum protervia; cum enim Abbatiae subditi vicem Monachorum dolentes vim vi repellere niterentur, Lutherani numero superiores lapidum jactu, aliisque armis non paucos ex Catholicis graviter vulnerarunt, & quotidie verberibus acceptis æque ac illatis fædum in modum